



## “Agur!! Solozabal ta Solozabal’ tar on-“Paulin”

Aita Santi Onaindia, Olazar’ tar Martin eta Arrinda’ tar Anes’ekin batera ezagutu neban “PAULIN”, EUSKERAZAINNTZA’ren batzarretan orain dirala 30 urte iguru.

Aita Santi il zanean eta Olazar’ tar Martin’ egaz Euskeraz idazten asi, gure idaz-lanak ZER eta EUSKERAZAINNTZA’ko aldizkarietan agertu zitezzen, astero ia egun bitan agurtzen neban, eurak bizi ziran Mungia’ko parroki-etxean.

Baita-ta EUSKERAZAINNTZA ta EUSKERAZAINNTZA’ren batzarretan, sekula ez ebalako utsik egin Olazar’ tar Martin’ egaz batera.

Gugaz alkartzen zanean beti umore onakin eta olerkari ondokoi-lez, gure alkar-izketak, beti izan ziran irri-mirrikazkoak<sup>(1)</sup> eta ainbat barre egiten genuen, bata-besteari esanekoak, sako-nezko txantxetan edo ta zirto-gogoz<sup>(2)</sup> egiten genduzanean.

Batzarretan berba gitxikoa zan, baiña oarkari<sup>(3)</sup> aundia, eta beren zeaztunak beti joaten ziran artez arazoaren biotzera.

Bere apaiz botugintzan JAUNGOIKUA’gaz guztiz maite-minduta, ibili dan leku guztietan eta Mungia’ko errian batez be, erritarren artean beti euki eban Jesus’en mezua ta Ama-Birjiña’ren maitasuna. Eta bere erriko egurats-aldietan nekez ikusiko gendun, eskuetan zillarrezko errosario edo agurtza barik gabe.

Euskalerriaren seme izanez gain, beragaz sakon maite-minduta egon zalako, ele-eder idaz-lan bidez berari eskaiñi eutson bere barnean euki eban gogo ederrena.

Gitzi ez dana izan, Eguna, Karmel, Olerti eta Deia’n “EGIEDER eta PAULIN” izen-ordeakaz idatziz gain, ama-bost liburu-be idatzi ebazan, Euskalerrri’ko oiñarriaren izaera ta jakintza, edertasunez Euskalerrrian zabalduz.

1.-Irri-mirrikazko alkar-izketak = conversaciones irònikaz. / 2.- Zirto-gogoz = dicho con ironia fina / 3.- Oarkari = observador.

Beren askeneko olerki-liburua "EDER-MIN" da, eta lenengo eresi'ak au esaten dabe:

**"EDER-MIN"**

Odolaren indarra  
berez doa aurrera  
gizarte bizian,  
berekautan dario  
suzko indar bizia  
azurren artian.

Gizonaren bizia  
gora goraka doa  
goizalde argian,  
eguzki almentsua  
zeru aunditik dator  
aurrerapidian.

Bizitza osasuna,  
bipil, doa odolez  
ezti gozoetan,  
gizona sendo doa  
laguntza biziagaz  
mamin bizietan.

Argia ta odola  
biak bat egin dira  
osasun biziaz,  
izarrez indartzen da  
odol gorri gorria  
bizitza maitiaz.

Biziaren ardatza  
biotz sendoan dago  
taupada ederrez,  
biotza ta burua  
lagun kutunak dira  
biak maitasunez.

Bizitz osasuntsua  
odol gorritik dator  
itzak lagundurik,  
odolaren ederra  
esker-miñetan dago  
biotzez ondurik.

Solozabal ta Solozabal'tar Paulin 1.912'an Lorailla'ren 4'an Etxebarria'n jaio zan, eta Mungia'n il, 2.009'ko Irailla'ren 1'ean.

2.009'an Irailla'ren 3'an, Mungia'n Andra Mari eta San Pedro apostolua'ren Parrokia'n egin ziran bere Arima'ren aldeko elizkizunak, Blazkez'tar Rikardo Bizkai'ko gotzaiña zala mez-emaille, beste ogeita amar apaiz-lekaide lagun eukazala.

Gotzaiña, Gazteleraz asi zanean, ni eleizatik urten bear izan neban, enebalako on artzen Paulino eta Euskaldun guztiai alan illarkatzea<sup>(4)</sup>, Etxenagusia ta Uribe'tar Karmelo'ri egin jakon antzera.

Eta gitxiago, mez-emaille danak ez ba-ebezan ezagutzen ildako Paulin ta Euskaldunak.

Ogeita amar apaiz-lekaide egon ziran an, Paulin ondo ezagutzen ebenak, eta lotsa elburu dala, ez zan izango naiko meza orren buru izanagaz, eta mez-emaille-sermolari ondo ezagutzen ebanak emon egiala ?.

Gizartean "LOTSA" da leenengo baldintza, eta erritarrak zelan joango dira mezara eta ekanduzko oiturak zaindu, bertan erritarrai guzurtu egiten ba-dautse.



(4) Illarkatzea = *faltar al respeto*.

## Gu Bion alkar ezagutza:

Ni goian esan dodan lez, Aita Santi'gaz Tolosa'n egin zan batzarrera EUSKERAZAINZA EUSKERA'ren ERRI AKADEMIA sortzeko zala joanda, ezagutu neban Solozabal'tar Paulin, Olazar eta Uribe'tar Martin, Arrinda'tar Anes, Augustin Zibikarai, Zubiri'tar Iñaki, Jon Erramun, Latxaga, Latiegi'tar Bizente, Aita Lino, Oñatibia'tar Manu, eta ainbat gizon-emakume argitsuagaz batera. Ortik aurrera beti batera ibilita, Euskerazaintza eta Euskerazale'aren aldeko ekintza-bidez.

Eta ITZA'ren gandik, zer ulertzen eban berak jakin daigun, bere "EDER-MIN" olerki liburutik artuko dot beren gogamena:

### "ITZA"

Gizonaren argia  
urrezko itzez dator  
giza batzarrean,  
itz ederraren tajuz  
giza batzar guztia  
argituz lurrian.

Jakituri bikaiña  
itz jariotan dator  
bizitza ondurik,  
argia ta ederra  
jakituriak dakart  
biak alkarturik.

Euskaldun itz bikaiña  
zoramenetan dago  
auzkoen miñean,  
euzko jakituriak  
urratuten dau itza  
alkartasunean.

Gora goraka doa  
euskaldun itz jatorra  
edertasunean,  
giza jakituria  
ardura bitxiz dabil  
izkuntz bikaiñean.

Eusko izkuntz jatorra  
zoramenetan dago  
euskaldun zelaian,  
jakituri ta itza  
biak alkartzen dira  
adimen argian.

Bikainki ta bikainki  
itzak edertzen dabe  
euzkoen izketa,  
izkuntz zoragarria  
agertzen da lur ontan  
itzak eraginda.



## Agur Paulin, egun aundira arte !!

Atutxa'tar Paul

ZORNOTZA'n 2.009'an Iraila'ren 7'an